

Gwnz Roen Bangfuz Mehmbwk Mbouj Nyiengh Bouxsai

扶贫路上巾帼不让须眉

——Geiq Hong Bangfuz Gapdoiq Liengz Leij Lauxsae Daih'it Youwzyenz Dwzbauj Yen

□ Cau Feihyinz

Daj cingcinj vut gungz gungeng hainduj daeuj, vih gaijgez gij vwndiz gungzhoj lajmbanj, siucawz gungzhoj, gaijndei saedcej bekkingq, saedyienh daengx yienh vut aen mauh gungzhoj bae, ganbu bangfuz gak hangz gak nieb Dwzbauj Yen yungh gij yiedcingz cwngei gig ndei caeuq gij daidu guhhong nyinhcaen fucwz haenx, gaenxmaenx bae guh hong cingcinj bangfuz, okyienh buek youh buek ganbu bangfuz maenhndei, Liengz Leij lauxsae Daih'it Youwzyenz Dwzbauj Yen couhwdg ndawde boux he, de caeuq gyoengq ganbu bangfuz neix, yungh gij daidu guhhong nyinhcaen fucwz, gij cingsaenz gienok giendingh bae guh, vih daengx yienh vut aen mauh gungzhoj bae gienok gij rongh caeuq ndat swheij.

“Hagdangz dou bangcoh 3 aen mbanj Gingdwz: Mudung、Dozliengz、Dohcieng, ranzungzhoj miz 72 ranz, ranzbangfuz gou dwg Vangz Yingghinh Mbanjdohswz Mudung Cunh, daengx ranz miz 5 boux vunz, lwg bawx youq Guengjdoeng dajgoeng, lan youq Gingdwz Siujyoz doeg 3 nienzgaep, gij yienzyinh ranz neix gungzhoj dwg mbouj miz ngaenzcienz, cawjranz miz gauhhezyaz, ciengzseiz gwn yw, hong reih hong naz ndaw ranz cujyau hawj mehbaz guh……” Doiq hong bangfuz swheij Liengz Leij lauxsae geiq ndaej liux. De naeuz, aeu guh ndei hong bangfuz couh aeu lai byaij haeuj ranz nungzhoh, lai dingq gij vah vunz lai, roxyiuj gij cingzgvang saedcej vunz-lai, gaemdawz ndei swhliu mbat daeuz.

Hoeng aeu ndaej swhliu mbat daeuz, doiq de daeuj gangj caen mbouj baenzneix ngaih, daj yienhsingz hai ci daengz Mudung Cunh aeu 2 diemj cung baedauq, yienzhaeuh lij aeu byaij 30 faen cung roen bya, cij ndaej daengz ranz Vangz Yingghinh, “aenvih roen mbanj ranz nungzhoh lingq lai, gou cungj dwg ga byaij haeuj mbanj, danghnaeuz bungz ngoenz doek fwn roen raeuz, hix ndaej laemx gvaq, hoeng vih ndaej hawj gyoengqde caeux di vut gungz, gou caiq sinhoj hix aeu laebdaeb bae guh.” Liengz Leij naeuz, de dang lauxsae youwzyenz aeu daiq hagseng, dangz moix aen singhgiz aeu anbaiz rim, aenvih bouxgvn youq Gvangqdoengz Dwzbauj guh hong, ngoenz singhgiz cij ndaej dauq ranz, ngoenznaengz cuengqhag lij aeu ciuqgoq bouxgeq caeuq lwgnyez ndaw ranz, hoeng de mbouj miz saek coenz vah'ienq, lumj ganbu bangfuz wngq nei, dap ci ga byaij, fwn rumz cungj bae, mbouj lau hoj, baez ndaej



▲ Liengz Leij caeuq cawjranz ranzbangfuz caez guh hong.

hoengq couh bae ranzungzhoj, caeuq gyoengqde gangjgoj, dienz caez gihbwnj cingzgvang. Dienz bonj saw bangfuz seiz vih guh ndaej soq cinj, baugvat aen ranz mienhcik, diegnamh mienhcik, de cungj aeu cik raez bae nyinhcaen rau gak dieg liux; soucomz swhliu guhcingq seiz, aenvih mbaw doz he mbouj hab biucinj, youh aeu bae ranz nungzhoh ingj gvaq moq; doenghgij hojnanz neix de cungj haekfug liux, hoeng youq hangh souhaeuj caeuq ceiok neix, de hainduj simnyap lo.

“Youq souhaeuj caeuq ceiok hangh neix, dou caen nanz dienz lai, dou mbouj ndaej luenh guh luenh dienz, lwg bawx de youq Guengjdoeng dajgoeng, aeu hawj gyoengqde dawz cek romngaenz okdaeuj doiqciuj mingzbeq ciengzsaec, dou cij ndaej dienz cinj, neix dwg doiq ranzungzhoj fucwz, hix doiq hong bangfuz fucwz, mbouj ndaej miz saek di cengca, hoeng nungzhoh doiq hong bangfuz roxyiuj mbouj lai, cungj miz di yaemmuenz.” Liengz Leij naeuz.

Vih aeu ndaej soq cinj, Liengz Leij caeuq nungzhoh gangjgoj haujlai baez, yungh ngoenzgyay gag ok cienz bae cawx youz, cawx noh, cawx mienh bae ranzungzhoj caez guh hong caemh gwn, gangj cingz gangj leix senhconz cwngecz bangfuz, cungjsuenq aeu ndaej hauhmax soujgih lwg de, de sikhaek lienzhaeh lwg de, muengh lwg de daezhawj mbanj gij souhaeuj caeuq ceiok youq rog dajgoeng haenx. Hoeng ngamq hainduj, lwg de hix miz mbanj mbouj cingznyienh, caemhcai q mbouj boiq-hab, de dang boux ganbu bangfuz he



▲ Liengz Leij haeuj ranzbangfuz dienzsij swhliu cingcinj.

mbouj miz saek di doeknaiq, aenvih Liengz Leij rox gij goekgaen vwndiz faenh hong neix couhwdg ranzungzhoj doiq cingcinj bangfuz cwngecz mbouj roxyiuj caeuq mbouj saenq doih guhhong, danghnaeuz ndaej mbekhai aen bak neix, baenzneix vwndiz couh ndaej gaijgez liux lo. De naeuz: “Dou couh caeuq de gangj, dou vihmaz baez youh baez sinhoj buet daeuj caeuq sou baenz dangq baenz dangq dienz haedsaed, couhwdg vih engq ndei roxyiuj gij cingzgvang sou, lumjbaenz sou souhaeuj noix, naemj gyalai guh hong, hoeng naengzlig mbouj gaeuq, yungh ngaenzcienz yungh ndaej mbouj hableix, ceiok lai, neijcienz baenz gungzhoj daengj doenghgij yienzyinh neix, danghnaeuz mwngz mbouj saenq gou, baenzneix gou baenzlawz ndaej bang sou ne? doenggvaq naihsim gejgangj caeuq senhconz bangfuz cwngecz, lwg de cungjsuenq boiqhab, aeu diuz cienzhang song gvanbaz gyoengqde youq ndaw cangj haenx yaenq okdaeuj, caemhcai q fat daeuj hawj, yienghneix caizliuh hangh souhaeuj caeuq ceiok neix cij ndaej guhsat.” Hong bangfuz seiz, Liengz Leij couhwdg baenzneix yungh gij naihsim, saeqsim, caensim, naeksim lauxsae youwzyenz gagmiz haenx, yiemzgek bae guh ndei hong moix aen najniq, de rox hong bangfuz couhwdg aeu roxyiuj gij goekgaen ranzungzhoj baenz gungzhoj haenx, yienzhaeuh baenzlawz yungh gij diuzgienh mizleih, miz cimdoiq, miz bouhloh guh bangfuz, hawj ranzungzhoj ndaej miz gij canjnieb swheij gag ndaej guh swngheanj, cij ndaej hawj ranz-gungzhoj caencingq vut gungz. “Dou

guhsat caizliuh dwg vih engq ndei bangfuz ranzungzhoj, ranzungzhoj dieg youq diegbya, ciengzseiz mbwn-rengx giep raemx, gyaudoeng diuz-gienh doeklaeng, mbouj miz ngaenz-cienz, mbouj miz vunz guh hong daengj yienzyinh hawj gyoengqde baenz gungzhoj, baenzbingh caeuq lwgnyez doegsaw hawj gyoengqde engqgya gungzhoj, dou guh ndaej haenx couhwdg bang gyoengqde gaenxmaenx vut gungz.” Liengz Leij naeuz.

Rouxuiuj cingzgvang doeklaeng, de ndwennaengz bae daengz ranz-gungzhoj, roxyiuj gij vwndiz nungzhoh gip aeu gaijgez haenx, ciuq cingzgvang saedsaeh dingh banhfa p bangfuz, gaenxmaenx soucomz caizliuh nungzhoh bauq ndaej 3500 maenz ngaenz yungh ciengj lawh bouj, caemhcai q doiq nungzhoh miz 4 moux reih, Gingdwz Cin dwg dieg ndaem ien cujyau aen yienh neix doenghgij gijndei neix, caeuq nungzhoh caez bae yenhban camcaz, doeklaeng bang de camgya gij vunqsik hwngfat “gungh-swh + hozcozse + nungzhoh”, youz hozcozse anbaiz boux refuengz genjcaz haeuj mbanj haeuj ranz sonyinx guh ndei hong loek rum loek nywj, doengjit ciuq mbaw san mbawien faengaep soucawx, refuengz genjcaz habgek doeklaeng aeu mbawien daeh daengz camh ien hawj conhyezdui guh faengaep dinghgaep gai, yienghneix couh gaijgez gij vwndiz souhaeuj nungzhoh, gyahwnj nungzhoh ciengx 2 duz cwz, lwg bawx ok rog dajgoeng, ginggvaq roengzrengz bi ndeu, ranz Vangz Yingghinh youq bi 2016 gaenz swnhleih vut gungz.